

EPISTOLA
IOHANNIS TEVTZSCHE-
SCHENI, DOCTORIS.
DE LAPIDE PHILOSOPHORVM.

Opus Philosophorum facilimo labore perficitur, & absol-
nitur absque magnis sumptibus, idque omni loco, quocunq-
tempore & ab omnibus, si modo veram, & suffici-
entem habeant materiam.

Ehrwürdiger in Gott Vater. Ich füge dir zu wissen das
die Materia vnd Sperma/ oder der Same aller Metals
len/ ist argentum vivum geinspiffret / das ist / hart ge-
macht in dem Reichnam der Erden / vormittels der Schweffelis-
chen art/ so werden mancherley minera vnd Corpora in der Er-
den / gewircket in ihre Materien / Aber die ist ja allen von natur
durch die Wirkung der hitz / darumb allein geschicht der vnder-
scheid vnder den Metallen von der vollkommenen oder vnuoll-
kommenen Kochung wegen / die da vorbrenlich oder vnuorbren-
lich ist / vnd wol temperirt / vnd in diesem Punct kommen vber
ein vnd concordiren alle Philolophi, vnd ich wil es bewehren
durch nachfolgende vrsach.

Zum Ersten ist es offenbar / das ein jeglichs natürlichs ge-
schöpff aus den dingen / dauon es zusammen gesetzt vnd worden
ist / das es endlich wider darzu gefehret vnd vorwandelt wird.

Exemplum.

Eys das ist anfenglich ∇ gewesen / durch die kälte coaguli-
ret, vnd Eys worden / vnd so wird es vormittels der Warne wi-
derum solviret, vnd wird also wider in seine Erste gestalt vnd we-
sen / d; ist / ∇ vorkehret vnd vorwandelt / dan es zuuor ∇ gewesen.

Zum andern / das Menschlich geschlecht ist anfenglich von
Erden / vnd einblasung des Geistes von Gott eingeblasen / ge-
schaffen /